

壹

齋

集

壹齋集卷二十九

賞塗 黃鉞 左田

古今體詩五十三首

乙酉丙戌

送齊

嘉紹

同年觀察江西鹽法次婆字韻

道出潯陽秧綠科江亭且莫問
鰲婆百花樓閣參差見五老煙
雲供養多好看山間挂笏何妨
點筆賸熬波惟餘落落齊年友
又唱驅歌意則那

燕郊至南苑曉行輿中作

睡醒背膺見曉霞忽聞雞犬近
山家沙平路熟輿丁健柳細風
柔燕子斜春網薦新來石首野
蔬供饌有椿芽鹽廬依舊橋邊
駐又聽官私兩部蛙

次韻姚總憲

文田

過訪西園直廬未遇雷詩海棠花下

海棠花看半開宜孤負珊瑚七尺枝忽漫風前逞豐豔高軒有客過題詩

決去偏多未了緣樹猶如此一悽然劇憐池北移栽後又伴閒

房十五年

嘉慶壬戌種於池北寓廬辛未移此及今道光乙酉十五年矣

轉眼飛英委逝波底須燒燭倩銅荷先生莫爲巢痕惜不見豪

家花樹多

姚舊寓亦在池北花竹亦漸凋零

卽事

今年麥稔雨暘宜已到腰鎌刈熟時退食正堪供連展清談不耐撒胡荽智同樹米言殊鑿鑿想乘槎志卻奇坐我綠陰纔半日未煩蛙鼓鬧溪池

送陳編修

鑾

出守松江

吳松古澤國通五湖三江海復在東南賈舶凌濤瀾百貨之所

聚四方爭牽扛吉貝走天下夜績凝幽缸居民擅美利蔚然爲
大邦前年興水利金錢費封樁今年議海運從違半紛囋澤農
苦淤墊何以教耕糴運夫罷飛輓何以安愚蠢聚旣成市虎散
豈無邨塢是在守賢勞庶幾俗敦龐江南君昔游廿載隨麾幢
君昔佐制軍百公菊溪帶此去專城居定使羣心降利病久在胸智能況無
雙巨鐘聲鏗轟不待寸莛撞我歸約冬初暇或搖吳艘尊鱸到
處足酒熟傾春缸三泖九峯閒期君醉篷窗

八月九日夜窻行金陵道中作詩一首醒而錄之

一壺邨酒醉江灣百里瞢騰睡窻闕馬上清風忽吹醒眼中已
見太平山

十月廿七日引年陳乞致仕未蒙 俞允寄子卿

衰遲慚媿說歸田孤奉 明恩廿六年敢以泥沙視官職乃知

去住有因緣坡平馬駿仍羈足風利帆懸卻纜船枉被圖書笑

潦倒賺他先到草堂邊

本月二日已將書籍盡載南去

禁闔晨開劾自投面陳復荷玉音畱溪慚絲粟皆

君賜未有纖豪爲國謀易退不如堂上鶴相親誰似水中鷗

定知花下懷人客幾度支筇上識舟

識舟亭在蕪湖江上

題槎河山莊

山莊爲劉文正公讀書處

家世繼韋平山莊竹樹清平泉無異卉獨樂有書城接武南

齋後高名北斗傾百年圖畫在仰止企勞成

圖爲康熙辛卯唐代畫麓臺有題跋

丙戌正月四日同年闕拜次紫亭韻

牆桑門柳老須科吹送歸舟待孟婆之退已慚章再上酬恩

惟恨日無多書先去客圖中錢

去歲十月二日盡載書籍南歸張舍人祥河爲繪錢書圖心

逐于湖鄉裏波情別肯無同舍念日知分過奈伊那

上元雪夜招張舍人

祥河田編修嵩年

集食筍齋翼日

舍人用歐陽公潁川禁體詩韻見贈次韻答之

君才如花初吐萼怒發橫生豔叢薄纔廣霽雪清尊篇

盧南石前輩有

霽雪清尊圖用歐陽公禁體詩韻題之張頤有和作

又遺元夕西園作是時盼雪喜得雪

凝曜華鐙照清廓爆竹轟雷耳欲聾火樹燒空目爲爍我從

禁籞侍宴歸暮雪貂裘正紛落爲留張籍住廳食不覺談諧驅

睡貉步兵有酒且共傾韓愈無金不煩攬門前休笑可張羅如

此清寒安得雀試尋履跡認來蹤但賸君家兩棧屬比鄰幸復

有田何令節爲歡亦云樂酒餘可惜侍無人煎茶誰埽風鑪淪

坐看萬瓦合漫汗遙想飛沙迷朔漠惟虞攻險遞新詩白戰無

人工避槊老夫老矣退三舍敢望親交獻諛噱

題商邱宋氏華山碑藏本爲劉郎中

喜海作

華山碑揚世三紙有如三國三諸葛商邱宋氏得其龍鱗甲具

存神采活四明

天一閣本

華陰

王山史本

實吳魏

但爲隆中名少遇子瑜

公休亦人豪未可登本而捐末我年弱冠來京師華陰之本先

見之初爲東郭所藏弄繼傳山史流於多

王山史本初爲關中

伯又歸王山史朱竹君師視學安徽得之於

歙縣校官黃文蓮乾隆甲午歲鉞曾與觀焉

爲倣石鼓昌黎詩後三十年目重寓合併卻爲懷仁序同是松

談閣中物百九十年偶一聚

嘉慶庚午

鉞視學

山西

素孟

方

松

談閣所藏適朱公子錫庚官於晉借爾時此榻聞未見結網空

而合觀之蓋二捐相離百九十年矣

爾時

此榻

聞未

見結網空

有臨川羨不圖衰老目眇昏快觀廬山本來面唐題宋揚辨紛

紆郭香香察何斷斷試看翠墨黝如玉似有濃香著意薰吁嗟

乎石墨過眼真煙雲三朝已易三主人

乾隆癸丑

歸陳宗丞崇

本嘉慶丁巳

歸成邸今

崇

道光乙酉歸劉君濟海

君倘不惜錢千緡曷不賺取三紙其裝背合華邴

管爲一身世間快事皆心造曾有神明暗相報歐陽集古物所聚葉公好龍乃真好

題少谷山人詩牘墨蹟爲陳大司寇

若霖作

望氣知病淺不在覺痛際餅凍知天寒奚俟風雪厲達人明先幾孤憤欲援世天人象已顯天人象已顯嚴廊計耳須熟少谷冊中句目敢自蔽正德比天寶般游歲無計少谷儼少陵身世非一例西巡逼羯胡南巡徇便嬖三輔血成川強欲一葦濟伏闕朝上疏予杖夕告斃九死得一生拂衣遂東逝言者心之聲那禁發感涕知人不論世何異夢且寢此冊公手書詩牘相附麗懷友識性情閔俗歎凋敝貧女詩八章行藏之左契書法乃其餘亦自工散隸時於波磔間具有義獻勢司寇公鄉人弄藏謹編綴示我逾冬春數觀不敢題公孫曰大觀與我同登第遺集謀重芟其子亦

賢裔

鄭明府大觀公裔孫鉞庚戌同年進士其子炳文近刻公集乞鉞序至今未報

寓書乞我序諾之

已經歲

昏眊老無文把筆媿淹滯安得公起衰藥我以良劑

城南龍樹院新葺小閣曰蒹葭

二月廿五日張

祥河舍

人董

基誠

管適羣

農部徐

思荃

比部招飲其上舍人有

詩次韻

招提門

繞碧嶙峋小閣居然可望春補種孺槐纔屬爪

院舊有龍爪槐

最古俗

卽以名其寺今古槐已枯補種者高未及丈楊誠齋詩羣柳已僧何再髮孺槐纔爪可遲梳新鋪嫩水漸

生鱗一壺且盡杯中綠三斗全消面上塵好共流連惜光景兼

葭爲證

去來因

書長沙鐵佛寺淳化鐵幢搨本後

幢在鐵佛寺塔內長一丈四尺徑圍尺有

七寸爲宋淳化元年庚寅潭州管内觀察判官李思明

發心鑄寫於塔進土董誥書開福寺沙門道崧鑄經李昇鑄字文其

七百六十

長沙鐵佛寺塔腹藏鐵幢其高丈四尺力士不可扛淳化改元歲在庚發心鑄經李思明書者進士董護名李昇鐫刻何其精金石著錄有歐趙每苦石多而金少溪州銅柱文不全捫搦紙本讀粗了此書似學柳誠懸元秘風規略可傳金堅那比玉溫潤尋常難覓良工鑄宋初距唐僅百載褚虞歐薛常目在不似今人薄古人家雞野鷺隨時愛是時秘閣方鼎新點勘圖書聚典墳惜哉聞卻書生手卻爲浮屠寫梵文

廣東舉人陸雲從年百三歲來應會試 恩賜國子監

司業銜恭紀

何肉周妻自得仙醫方不用集甄權

唐書方技傳甄權以母病集醫方得其旨趣至貞觀

中一百三歲太宗幸其家訪以藥性

中朝我已頽唐甚尙少

去先生三十年

余今年年

七十七京朝官唯禮部尚書穆公長余七歲

百年拜爵尋常事未見青衿入學初陸百歲外始入學料得升沈推不
到從今欲廢五行書

國子先生德望隆冰銜錫予稱仙風故應王李推前輩諸老

殊科未許同乾隆庚寅浙江遂昌訓導王世芳年百有十二歲

卯江西興安縣舉人李煒年百歲來應會試特賜國子監司業銜並親製詩章以彰盛事

題張文敏公照蓮池泛舟遺像

天章曾列五詞臣書法義之後一人恭本高宗聖製寶笈屢窺龍

象蹟扁舟忽現水雲身詩成合並蓮花妙地僻應連墨沼鄰慚

我朱繇真晚輩也循履跡步芳塵

書補刻姜白石巢湖神姥祠後有序

姜白石泛巢湖聞簫鼓聲問之舟師云居人爲此湖神

姥壽因祝曰得一席風徑至居巢當以平韻滿江紅爲

迎送神曲言訖風與筆俱駛頃刻而成後過祠下刻之

柱閒集中所載如此乾隆乙卯巢縣葛秀才

桂丹游蕪

湖

鉞

詢其柱刻存否則無有知其事者白石詞曲書法

爲南宋名家令其詞刻尙在可稱二妙乃錄其詞以贈

葛君並識其後冀好事者補刻焉閱三十二年道光丙

戌唐

家琛

以選拔生貢京師出示搨本則縣人錢

懋道

李

鉞

等已於嘉慶戊寅重書刻石嵌諸祠壁矣蓋葛君

歸自蕪湖不數年物故

鉞

手錄詞稿爲錢君所藏李君

輩乃謀刻之始於

鉞

之一言輾轉二十餘年錢李諸君

乃能成之刻後又九年

鉞

始獲見其搨本亦可感也錢

君與先兄補之有舊刻石時自署年七十有六計今當

八十有五長先兄一歲而先兄下世二十一年矣悲夫

書四絕句以報錢李諸君

靈旗飄動片帆通博得新詞絕世工孤負江神無以報當年辛
苦馬當風

湖中簫鼓歲時聞祠內神弦久積塵未免被他諸娣笑堯章過
後未無人

未忘酸蔑一言初精砥瓊瑤子細書不謂葛彊翻不見一彈指
頃卅年餘

殘箋何幸弄錢郎更感交情敘雁行歎息風流今已盡水雲南
望總淒涼

余年十七曾寫松石閒小像及今六十年矣故我今吾
恍如隔世因倩孫君

紹新

合寫之取楞嚴經佛告波斯

匿王觀河面皺之說自補爲圖非徒童耄之感藉悟生

滅之旨耳

老醜無因再少妍卽令自憶也茫然何時會合恆河上一笑相逢六十年

面皺須知心不皺心童何必貌還童若教參悟楞嚴旨故我今吾一例同

頃得紫端石研竹筆筒簪筆洗皆前朝物也春浦用坡公仇池石詩韻作詩見贈

我有石友三最上南唐綠

比年以來得南唐綠石東井研米襄陽風字大研陸包山龍池研皆精妙

因名其齋曰三石友

餘研亦宋明柰何食不足或攜紫雲腴剏自南山腹

松煙掩頰霞時見魚尾蹙平生蓄文房貪多類農牧管城欲分

封墨沼配靈瀆

筆筒竹者大小凡四紛陳几案間塊視金與玉終六筆洗簪者凡四

知非我有聚散相倚伏楚弓而楚得何待百年卜祁君貺新篇

意我何逐逐我歸會有期深恐委坑谷在我猶在人取攜隨所
欲長物直幾何奚足畱心曲虛舟一葉輕惟虞去不速

送陳

繼昌

修撰出守宛州

狀頭肇自唐三元盛於宋非爲科目榮要以功名重唐士多所
弛不足副梁棟關節求巍峩面與主司開宋興富人材王馮實
麟鳳志不在溫飽片語已驚衆起家僅判司未聞不次用明試
書所云斯道古今共

古稱二千石天子資治理龔黃召信臣是在人爲耳百姓苦顛
連引咎務歸已屬吏蹈貪汙媿屬使知恥君先文恭公功業在
國史從政法遺規卽是好孫子入爲香案吏出官聖人里堂
堂太守公實維

天子使三元三春花一時榮則已德化入人心千秋所褒美

吾門多英才惟君最端謹有無不言錢臧否不挂吻文章苦用心
嬾學崔侯敏談諧少激昂恐涉韓生憤人皆笑君木以同年皆戲
之我喜與仁近七年肩相隨一夕車發軔我老見何時別淚不
可忍聞木樨香未行矣吾無隱

九日閒居再次吳文定文溫州九日唱和用潘邠老滿

城風雨近重陽首句詩韻

滿城風雨近重陽一月蹢躅未下堂昇輶折翼堪失笑安心是

藥喜親嘗先是八月六日直歸與夫脫肩致翼震閃請假未愈九月二日疏請解職得旨俞允並奉安心調理之

論閒臨蔡帖菱剛紫檢點徐方栗正黃折翼菱見蔡端明帖唐藝文志有徐叔鸞卿弱

方一卷本草栗生食治腎脚不遂佳節暄妍吟思澀又將舊句借潘郎

滿城風雨近重陽解職閒居憶草堂爲樂及時猶恨晚功成身

退亦何嘗逢人定訝頭多白後輩知誰眼最黃莫詫老夫曾衣

錦依然前度一劉郎

滿城風雨近重陽待放還鄉暫處堂此日井甘容易竭當時膽
苦也曾嘗竹如留客涼逾碧花不因人熱便黃獨有廿年晨夕
其就中難別是田郎

謂李高
編修

秋山先生以

鉞疏請解職枉顧寓廬賤此誌別

卅載師生悵各天晚教相聚禁城偏憶從落拓登科日目及
龍鍾致仕年不雨雲慚空出岫得歸鴻喜未驚弦惟愁立雪門
前路別夢依稀倍黯然

子卿次前韻見寄和荅

元龍自昔鄙求田陶令歸來況暮年甕酒儻能供客醉盤興且
結看花緣回翔我似隨陽雁安穩君如入夾船湖水一杯山一
簣清暉隱約在吟邊

垂老青山宅未投劇憐神往尙形畱橐裝陸賈殊難給肉食曾
元或易謀舊廩聚書空噪雀新亭得句好盟鷗屋後有空倉兒輩近改爲書舍

君園在湖上

成行翻借興人助敢爲虛船怒觸舟

書李義山詩集後

自哂成書篋李升沈嘆井泥含情俱有託庾語半無題劉恨誰
爲訴溫名未許齊平生坐鉤黨擇木肯卑棲

蔣礪堂相國於乾隆戊戌入學時年十歲所納卷餘字
號浮籤尙在裝背於冊屬題距道光丙戌四十八年矣
納卷公堂就傳年鄴侯仙骨已珊然天教畱得浮籤在要與朱
文錄並傳朱文公文信國題名小錄至今開傳

想見風檐戰藝酣孤巖傲兀視眈眈從今餘號徵新事合共圖
殆鼎足三二蘇策賢良所編號乃國殆二字見司馬溫公傳家集國音真見類篇殆字書不見以諧聲例之臆讀爲

自昔任延號聖童于今已作黑頭公請看方寸琅玕紙中有

三朝雨露融

四十登科亦幸哉龍鍾始得賦歸來對公未免慚惶甚仍是當年鈍秀才

南歸瓜州渡江作

烏帽黃塵卅載留眼明今始見瓜州白頭竟有歸來日一笑長江萬里流

宿長干寺僧舍

乾隆年間省試屢寓於此戊申獲傳後不復再至今老僧化去三年矣

鈴語吟風入夜清齋寢會共老僧聽回思四十年前事也算黃粱一夢醒

十二月十三日子卿招飲希右園再次前韻

到家臘鼓正田田

初七日抵舍

風景依然似昔年老穉聚觀無舊識

溪山重對有前緣餞書笑我空連軫罷釣何人早泊船

時以罷舟釣圖歸

題從此往來成二老柴荆莫問阿誰邊

比歲詩筭互報投歸蹤苦被輭紅畱名園有分終能到斗酒無人孰與謀知止何曾能鑒水真閒畢竟讓浮鷗巨川濟了虛無用同是天涯不繫舟

次韻鄧中丞

廷楨以鐵

予告歸里賦寄長律二首

乞章三上許歸農回首春明記在公共謫恩深真有負自慚身退了無功未應答箸隨聲叟只合江湖作長翁何幸瑤華能惠我發函不啻笑言同

家世南陽漢重臣山川環抱啟嚴闔

帝資江左爲霖兩人仰天南蔭大椿豈獨威名能邁古卽論詩

筆亦如神請看三白徵豐歲定荷
新恩下玉宸

題子卿罷釣圖

一飯菰蘆膾有餘未須戢戢羨盈車
收綸恐被東坡笑走海何曾得大魚

約子卿蘭泉餞歲三次前韻

一夕瓊雲葢麥田行看翠浪舞明年
未煩家食營生計好合朋簪續舊緣
淨洗瓦鐺參肉頌東坡煮豬肉頌淨洗鍋少著水柴頭罨煙炤不起火候足時他自美

請子卿喫豬頭故云
滿斟藥玉泛觥船黃金難買還家樂
醉倒何妨畢甕邊

寒林倦鳥暮爭投赴壑修蛇挽不留
此日光陰真足惜未來心事不須謀
夢醒那記墮中鹿機息渾忘海上鷗
便欲與君尋謝朓開正先買近游舟

青山近在百里曾未登眺

贈邵蘭泉

世滋

四次前韻

青門賸有種瓜田不問豐年與儉年破屋數間分客住清琴一曲信天緣游慵就婦謀藏酒

蘭泉善彈琴不能飲

窮不呼奴縛送船聞道

山茶花出屋開時容我到林邊

名紙生毛底處投林風湖月儘句留淵明乞食由來拙愚叟移

山枉聚謀瀟灑詩堪傳擊壤清癯身本似聞鷗

瘦於黃鸝聞於鷗吳梅村畫中

九友詩邵僧彌句

筆牀茶竈君能辦誰遺江湖一葉舟

壹齋集卷三十

當塗 黃鉞 左田

古今體詩五十三首

丁亥

丁亥正月二日人海歸航試筆五次前韻

筆爲鉏耒紙爲田記取還鄉第一年
鴉散馬喧醒舊夢香濃炭
熟換新緣吟思退澀搏風鷁老境
飛騰下瀨船徙倚軒庭無箇
事看鸞鵲曲欄邊

不解憑陵縱博投爲憐韶景去難留
載書歸架心差慰種竹成
園智可謀俸給青田資病鶴波深碧
海養閒鷗來朝又赴湖亭
約煩洗東坡兩玉舟

子卿招飲希右園賓主僅二人

四日飲希右園六次前韻

誰捐百畝屋旁田一夕爲湖七百年
在昔園林窮勝事於今花

月說來緣空教香火畱祠宇可惜煙波少釣舫賴有羲之恣陶
寫時將絲竹水雲邊

藏醞澄清勝九投一尊淡謝爲余畱

時出藏酒飲余云待五六年矣銜杯已覺

先春醉獲句多因適野謀黎爲記曾畱五馬碧波近喜竝雙鷗
但須家有裴王集未要人誇李郭舟

立春日子卿過飲入海歸航七次前韻

底須苑沼互駢田滿屋圖書足永年甞遣清歌聊作達怡逢勝
日亦良緣一尊重把論文酒十載空懷憶戴舩生某辛盤容易
醉莫孤新月竹窗邊

意氣由來膠漆投神明不隔荷天畱逢場傀儡看何礙負郭田
園老不謀白玉可憐空抵鵲黃塵差幸未汗鷗春來江縣花如
海或命巾車或櫂舟

晦日圓照寺看梅次前韻

將明未明覲窗紙苦恨家童呼不起攬衣春氣漸和柔猛憶梅
花蕭寺裏我徂京師卅載旋行年已過老而傳訪舊凋殘絕流
輩丈人行祇推梅仙梅仙知老不知年湖波漾碧山蒼然看花
又到懷人處杯酒重歡有宿緣孤根蟠屈禪堂靜曲徑無人石
苔冷繁枝密蕊恣橫斜不受東風自管領芳辰彥會古所難莫
教到手等沙搏來朝試訪平山樹知閱人間幾歲寒聞縣南平
山古

梅一株相傳
爲南唐時樹

出蕪湖南門渡浮橋東南行十里而近曰平山口有古
梅一株高丈餘圍八尺有奇相傳爲南唐時樹百餘年
來邑之賢士大夫未有能道者歛許靜夫仁物色得之
其子文深卿孫壻也道光七年二月五日招同子卿

蘭泉往觀焉翼日命四兒

足民

爲圖用東坡李公擇梅

花韻題之

南郊有古梅萬牛挽不動孤高畏人知義不辱翫弄韜華近千
年飽歷冰雪凍甄藻自子將香名一朝闕豈惟驚樵牧亦且枉
車從山寒花飭疎天闊枝蹇縱坐使鐵佛慚不敢相伯仲我聞
山木生菁華地靈貢或因種者傳致增後人重豐山杜默花春
禽至今哢醉翁滁州植屢入詩人諷嘆惜根已枯撫摩有餘痛
惟茲棄荒野苔繡土涖雍石湖譜未經師雄所不夢相傳自南
唐罔識誰者種近城十里遙肩輿謝鞭鞍鄉人爭聚觀我與梅
花共安得廣平心一吐揚雄鳳伐竹縛茅亭好事屬許洞

謂小琴

花時倘再來更載酒一甕

食筍齋澄懷園余所居直舍也祁編修

雋藻

移居於此

賦詩寄懷次韻

凋年急景逾飛箭東風吹綻南枝朵魚肥酒醖不歸來往者淹
畱計眞左未煩看煞擬東坡略似陳遵誤驚坐夢中時復見朋
儔衣上醒猶畱堀堞忽枉新詩述舊巢爲說遷居易移舸齋前
叢竹尙青蔥日午搖窗金碎瑣已看過母昨歲能定知食筍今
年果蝨簡從茲有替人回頭何必看甌墮他時成谷號簞簞更
寫新圖報老可衰年再到恐無期能得日輪幾轉輒不惜臨風
噴嚏頻多謝諸君能道我

佚齋玉蘭盛開借昌黎感春詩首句成詩一篇玉蘭蓋
古之迎春茗溪漁隱以爲卽辛夷也

辛夷高花最先開枝枝擎出白玉杯朝光散射目爲眩琤璫舞
鶴盤空來卅年京輦不易見御園召翫同鄒枚畫圖在壁花

在眼海雲遮斷金銀臺

辛夷花房忽全開照吾檻兮霜雪皚皚姑肌膚盡呈露宗之瀟灑臨風來我今不樂孤尊疊白日欲匿青春催一杯一杯復一杯玉山與我交相頽

上巳後一日程紱齋雨岑兄弟招同子卿太守過飲雨岑所居在余昇平橋老屋之西向爲余姑夫邵石堂先生故宅後歸休甯汪氏乾隆乙酉余兄弟又從汪氏僦廳事以後與石翁同居前三楹爲息機軒余六歲從石翁弟未齋先生發蒙之所僦居時仍屬汪氏不相通也後廳事爲外兄尹甫先生授徒之地余與子卿紱齋先後及門坐誦於此由今道光丁亥上溯乾隆乙亥已七
十三年下逮乙酉亦六十三年未經再到今輪奐雖新

門庭依舊觸目興懷不勝今昔之感爰賡此詩

嗟我五歲孤六歲始就塾我姑居西鄰受業姑之叔三閒息機
軒左右蒔花竹面軒更鑿池游鱗遂潛伏無何不逾時屋已他
人屬追圖在辛丑約略記前躡乾隆辛丑曾爲未齋先生寫息機軒圖七十三
年中曾未一躡足何圖迫桑榆童游重寓目木香賸孫枝軒楹早
改築惟餘水一泓照我顛髮禿炳燭亦已遲負負兒時讀

我年十六時熒熒寒影隻阿兄歸移家與軒一牆隔檐宇本交
承管華忽割席門前俯翠樓猶自見花石石翁過而樂謂是我
舊宅遂攜外兄來樓居不嫌窄兄時方授徒我隨挾書策寒廳
互呶唔半未加冠幘當年同學人此坐有三客一去六十年嘉
會良足惜引杯相酢酬庶幾永今夕

同子卿重過古桑書屋屋歸吳姓時已改作

井竈失遺處枯桑記夕陰一鐙風雨夜十載春令心白髮過疑
誤朱簾映更深招攜共王翰指點動愁吟

銷夏襍興十首

逃暑虛堂百不聞卅年纔得別羈氛重簾香度光風蕙高閣晴
看出岫雲計樂離官奚止寸離官寸寸樂元遺山句惜陰垂老莫拋分竹
牀偃仰清無寐濃翠填窗對此君

請假諸兒次第歸團團膝下未全非新栽爛漫花三徑舊植輪
困柳十圍閣度賜書三篋富歲支恩俸一家肥問渠何福
能消受敢說田園生事微

春始經營屋後居落成已見豆花初飯香喜熟蟬鳴稻羹美新
嘗葉下魚放翁詩注鄉俗謂夏秋魚爲荷葉下魚覓句詩艱還自笑持籌心苦更

何如

義皇不許閒身退那得臨風樂有餘

竹下柴關鍵不開經旬石路繡莓苔蒹葭時有門生詠襍穢從
無熱客來朝莫無憑狙賦芋盛衰如夢蟻爭槐仰瞻雲路秋期
近極目西風掃薄埃

家具頻移費按尋圖書都被鼠蟲侵篋遺暑雨心朋簡囊弄春

雷手澤琴

暑雨連懷詩讀爲謝梅農乾隆辛丑在京唱和作古琴背刻春雷二字爲先君所遺

珍重青

璫緣舊物休嗤敝帚享千金衰翁更有雄心在惜失霜鋒古劍

鐔

向有劍一七首一檢點不知所在

沈壁書窗下筆麓零縑斷楮恣雅塗湖田自昔無人買邨酒難

求善價沽失笑分明非贗鼎何時變化出桓廚若教持比山陰

扇值得義之半字無

時有以余昔年書畫求售者俾定其真僞

谿山好處誰工畫高士千之馬與振之鐸一角煙巒分遠翠兩

家花樹互交枝

兩君湖上

比隣而居時攜枕簟晨先集閒有笙竿客自吹

今日丹青猶在眼酒壚悵望不勝悲

朔稱卓鄭晦顏原過眼浮雲絕可憐花外樓臺曾鬥酒水邊竹

樹早沈煙空餘斷艇臨流艤無復新菱帶露鮮戴園池菱最鮮美六十

年中再興廢回思往事重悽然戴園舊爲閣園今歸陳氏亭園凡再葺再廢

招涼湖上有招提陳迹重尋路已迷清簾疎簾閣看奕談空說

有靜揮犀庭梅枝認當年折壁畫塵甯去日題笑煞山僧遭醉

尉費他幾襄薩波釐圓照寺僧昨爲署縣尉章某所辱

曉起微雲帶月斜瞻餅看放白蓮花養心端自無求始勝熱終

當以靜嘉問字未須煩載酒聞歌何必定迴車惟祈快雨江城

遍家有涼風衆不譁

夜雨不寐

七月十一日

乍聞雷宇輓驟送雨滂沱可惜瑯琊稻都成滅裂不憑誰祝田
祖無計塞天河不識淮隄上秋風更若何

希右園木芙蓉盛開金葉山小林屋遺種也感賦

又見新開寒露叢故人當日此門中太行一別人琴杳獨凭闌
干對冷紅

墨花尹白後能工幅幅屏風在眼中曾是虛堂看落筆劇憐今
日賸衰翁

九月三日與子卿登赭山

與我作足亦良苦重趼名山青可數南窮江漢北烏桓西抵雲
朔東齊魯黃山雁宕分寸躋五老煙嵐遠曾覩家山一簣日在
眼倒影明湖弄眉嫵似怪歸來未一登遙睇嫣然意微慚秋晴
與客約攜壺腰腳潛商幸我與故人索居步每怯是日牽連勇

可買不休不杖竟造顛大笑山亭掌同村可知勇怯本無常志
果先定氣能輔幾家別墅枕湖壩何處征帆送江浦設色真成
鵲華秋相將便是神仙侶會須濯足在山泉一洗東華卅年土
天風吹動塔鈴語不擬兩翁健如許

憩石人山集賢庵遂至白馬山頂尋紫燕白馬諸洞

老綠焜黃襍樹斑斕頭幾點露辱顏此間寸寸皆秋色略似癡
翁淺絳山

白馬奔騰紫燕飛仙人何處負苓歸唯餘鴨腳參雲上高蔭空
山四十圍

漫學王蒙細筆皴山靈面目盡非真洞門一闕仙凡隔真箇蕭

郎是路人

蕭尺木謬託王蒙曾寫白馬山圖刻於太平三書然於本山一無似處

野語荒唐太不經聚觀婦孺暗相驚山神似報先生至夜半虛

堂鼓自鳴

邨民言山麓雙廟夜半鼓三擊似豫知余至者真齊東語也

九月十九日登法華庵太上閣歸飲古香精舍四次前

韻

鬱藍天染蔡藍紙彈指空中樓閣起天風吹我第三層無限好
山來眼裏大江東去復左旋迴帆櫓鼓聲遙傳朝吳暮楚坐而
致未讓羽化誇飛仙及閭祀老子呂仙今年三農稱有年田疇繪若圖
畫然幽風一卷置我前茲游何莫非天緣老僧指點歸途靜寒
菜一畦翠煙冷已許青山結素心正須白髮交垂領竹柏易得
閒人難從知豹隱勝鵬搏仰天大笑梅花下不覺尊中酒已寒
雪後湖亭次子卿韻

山陰快雪報時晴嬾擁羣書面百城延客湖山排闥熟近人鷗
鳥似家生波迴魚艇思乘興風送鄰歌憶濯纓莫笑頻來耐清

冷梅邊竹裏最關情

復雪再次前韻

諺傳等件果難晴
一夕渾如不夜城
坐覺香銷鑪火滅
書疑墨淡硯冰生
冷吟那惜寒穹履
縱飲狂思醉絕纓
寄語湖山清興發
老夫猶有少年情

齒痛戲成

我年八十齒牙全
井華日漱牢且堅
大肉硬餅略無礙
妬煞龍鍾病少年
忽然觸物痛不已
雖無落勢有落理
墜葉何須待烈風
舉似少年應色喜
人生大患惟有身
區區齒牙何足論
折肢捐首佛不惜
一毛不拔伊何人

襍詩五首

山梅寒未花疎葉大如菽
欲雪不肯雪冷雨霏斷續
寂寥抱冬

心無言倚修竹黃梅開何時飛香替芬馥乍聞旋復疑徐思意有觸王朗慕華歆形骸學粗躅廬濛侯捻纓清妍乃其獨

天竹與女貞際冬皆結實一以供人翫一以藥人疾或紅如珊瑚雀啁見必叱或黝如石蓮墜地棄不恤人心多愛憎天心無甲乙木生貴有用要令作宮室不見萬年枝干霄復蔽日枇杷有兩株高者出屋檐枝葉無異同結實分酸甜南風四月交金丸攢葉尖甜者人所甘酸者人意嫌那知采摘并遽令酸甜兼兒童驚見之競攫食已厭何須強分別決擇徒精嚴

小園一畝寬書舍如舟大古柳蔭其南西復峙雙檣修竹數百竿左右相映帶襟花十餘樹春秋足嘉會問子從宦歸於國果無害飽食而安眠得此母乃泰桑榆不可收感媿誠無奈

我有賢友生各在天一涯許生

乃普使黔南程子

恩澤

宦長沙田祁

從我游相將上金華張籍學古澹河神詩筆紛天葩徐幹以憂去
齊忍淚還其家思之入夢寐歡醉寒廳譁嚴更忽驚寤統如鼓
三過

再登太上閣因飲其上

荒榛循曲徑高閣聳江灣俯瞰穿雲樹平臨隔岸山不辭連月
至難得此身閒爛醉仙應許煙空鶴未還

圓照寺看雪食園菰

忍寒去看漫天絮謀醉來嘗踏地菰豈爲彥倫敦菜食欲尋和
靖扣花宮雲連湖水波翻黑雪映經樓色轉紅排日作游忙底
事老夫如願樂年豐

曉起望積雪

冬來三度雪曉起登我樓漫汗合萬瓦皦皦晃兩眸江鄉無情

農四時勤鋤耰往者聞樹麥近且彌平疇一雨足滋甦況乃三

白優豈惟盜賊息兼令疾病瘳夏熱冬溫人多病至今未已餘生願易滿一

飽夫何求不知燕齊郊同此寒雲不

竹實歌

謝觀察秘自雲南大理攜歸嘉平八日招同子卿過飲爲粥食客爲作此歌

滇南竹實天下稀小於蓮葯圓如璣分來萬里鵲雛食噉我凍
頰紅生臙我讀本草經服之通神明能身輕又讀陶別錄但云
出益州滇南卽漢益州郡不言其狀知無由是時烏蠻金齒遠
未通人煙或經顆粒曾流傳非關隱居博物不如張茂先後來
載記說愈奇大如雞子懸竹枝生苦竹者毒厥名爲竹肉產餘
干者甘似蜜碧葉層層包裹密大都薨童樵叟偶見於山谷不
是甫里先生所詠之青復陸魯望置酒行青復未垂孤鳳餓按復廣韻注誤作實竹唯集韻類篇作實江南竹老乃生米狀如小麥枯欲死竹之精華先盡矣尋常

鳥雀棄不顧那有翩翩鳳皇子我聞茲實采采生不已竹自青
青色鮮美主人載歸爲粥約鄉里坐客爭嘗動食指瀝不類雞
頭甘且勝薏苡匙鈔穩送之香輒沁牙齒丹樅白檮不可知風
實雲子母乃是我爲果腹顏轉童仙之人分來宵中騎鸞翳鳳
襍沓紛憧憧左挹謝元卿右挹東王公但覺習習兩腋生天風

十二月十二日雪

夜雪平地尺侵曉仍聯翩三冬見三白先集消入田今茲積如
許不見將十年自是大有慶農夫何疑焉開春樂上歲斗米纔
三錢富人共年穀坐使鄙吝捐柰何民訛言云見龍挂天冬溫
事恆然不蟄陰陽愆游言幸勿倡未覩休浪傳試看梅破萼方
與春爭妍

雪夜感舊六言

蕭蕭雪後檐前烈窗前竹風白髮一鐙枯坐先生本是冬烘
硯沼欲冰未合書衣已倦仍開五十餘年陳迹煙消火冷都來
有客頻過小閣後生誰記當時一棧邨醪對酌三更風雪論詩
乾隆丁酉丙申余居古桑書屋寒夜謝梅農輒來半榻閑故
梅農庚子在京師和余詩有記否江湖樂飛觥惜短更之句
持盞江樓看雪爲圖阿凍寒廳清景付諸夢寐故人賸有丹青
乾隆甲辰余畱武昌度歲歲除與金葉山登黃鶴樓看雪又
與臧子模合爲歲朝圖今圖在而故人云亡且十餘年矣

立春前一日喜晴

窗曉乍聞雅獲獲雪晴漸露瓦鱗鱗
韭芽淺白芹芽碧併入蔬盤看打春

立春日雨

冷雨洗積雪更番未肯休畏寒跼曲室謝客擁凡裘
佳節成孤坐比鄰厭衆咻
墊巾爭戴勝著屐看鞭牛
擾擾人何限淒淒我

正愁足穿東郭履目斷剝谿舟小市車多泥通衢賈不售燎衣
薪帶濕避漏屋難修種種貧兼病林林願孰酬飢寒行處有升
斗給誰求霽色瞻林表繁聲聽瓦溝快晴如可丐梁稻尙堪謀
雷十二月二十七日

入春纔七日夜半忽聞雷積雪方盈尺淫霖何遽來豐年不應
爾天道遠難推但覺歲華暮飢寒民可哀

壹齋集卷三十一

當塗 黃 鉞 左田

古今體詩六十一首

盡戊子一年

戊子孟陬四日得祁編修

雋藻

書述上年九月白澗行

宮 召見蒙

聖恩垂詢

臣

鉞在籍作何消遣精神好否汝等得渠信

否仰見我

皇上眷念舊臣不遺在遠感激恭紀

故人天上傳

天語感激

新恩憶

舊恩兩載久違清禁直

九重猶奉玉音溫強將炳燭裨衰老思補亡羊教子孫但恨

此生無路報惟期祝

嘏詣脩門

臣鉞前年到籍謝摺奉 硃批朕五旬之歲待卿來京歡

晤卿其善體朕意隨時自重跪讀之下感激歡幸莫可名狀

人日食筍齋獨坐

山寺梅開纔半樹，湖隄雪淨已無泥。
草堂不出忽人日，誰寄新詩續舊題。

橄欖漿濃茶味俊，水沈香重篆煙遲。
人閒難得真閒日，萬慮都空獨坐時。

上元夜

填街鐙火舞魚龍，酒罷歌闌鼓一中。
送客出門循竹影，倚欄看月入煙空。
是夕月出旋翳西園侍燕車應散，午夜裁詩墨正融。
融南書房歲上元夜召入西苑侍燕觀鐙回首觚稜真一夢，卅年孤奉

並賜和御製上元鐙詞八首翠微宮。

久不出游偶至湖上作

苦筍江豚饜老饒，餘生真不負歸帆。
未能入谷爲愚叟，何用題

居號隱巖風暝花枝爭姪妃泥融燕子又呢喃笑他秉燭猶行
樂況有山腰日半銜

駿生觀察招游白馬山看桃花

菜花黃欲流麥壠綠無浪春泥藉槎

土下切

澤可耕山霧冥濛蘇

未暢草薰風暝趁人閒忍雨待游荷天相去年山石行犖确一
峯沙磧龜堪狀今年遠近蒸紅霞數幅生綃退之障肩輿犯曉
赴嘉招酒榼茶鐙向花傍步入華林七百株坐我扶風絳紗帳
羣童樵叟爭聚觀折損花枝看如恣爲誦君家紅萼篇惜少尊
前雪兒唱花光酒氣雨氤氲使衰翁顏再壯歸來夜枕聽淋
浪幸及芳時不惆悵

過崇仙院悼黃道士

卅載重經羽士家四松亭畔試新茶初平化去無人識惟有庭

信乃集卷三十一
前芍藥花

泛槩集乾隆丁未戊申余客浙江學使幕中作也稿久失
檢敝篋得之錄存八首

松棚

雷公鼓癡龍鞭落鱗片片樵風送堆檐熱雲不敢戀遠涵高壑
濤廣蔭十客醺火繖易清涼炎官遠相扇坐使瓦無功陶旅一
時賤惜陰人競趨向隅愁不徧大庇夫何能小憩可忘倦明月
照當頭玲瓏露光泣

嚴州試院與張在蘆諸君唱和丁字韻詩凡十六首錄
存二篇以誌當日文酒之盛

誰將詩壘關重局上將南湖戰百經避舍衆方思棄甲控弦君
又追追丁鈔需十手煩書史唱待雙鬢畫酒亭我亦孤懷消不

得引杯一試劍光青

紫翠丹房海上扁東方空著十洲經豈無靈鳥能知戍儘有頑仙不識丁富貴邯鄲三尺枕詩書逆旅一閒亭子文自是封侯相誰信生前骨色青

風雨登煙雨樓悼俞上舍

汝磨

菱角雞頭租未收新黃老綠釀深秋我來不見俞清老煙雨淒迷獨上樓

賭酒寒廳醉不辭懷鄉每說此閒宜百年修短元如夢卻恨登臨我到遲

東甌送游進士

光緒 歸霞浦

家食厭獨居羈孤眷羣聚矧茲春徂冬雞鳴共風雨之子八閩才早歲甲科取溫其美如玉卓爾圭璋古英英雲欲流肅肅鴈

分羽揮手去甌江言送歸霞浦

霞浦望不極我思悠且長崢嶸歲云暮何不歸故鄉窮魚戀淺
灘飢鳥倦仍翔緬懷到家樂上壽歡高堂山川富游覽佐醉言
能詳春風暖庭戶草木爲芬芳

芬芳草木花憶子初見時西湖水粼粼旨酒多不辭俯仰倏陳
迹那禁去後思雲山雖迢遙不隔心相知臨歧昧贈軒欲語慚
無辭毋煩累千里所樂在一枝

游意不
欲謁選

以詩代疏募修于湖先生祠

有宋張于湖此地昔流寓築堂歸去來不審今何處荒祠屋半
閒惟便乞兒住木主我所書略無香一炷東鄰叫顏彪西舍澆
陸羽逼迫糞穢閒神兮得無怒湖山公所開乃得此佳趣家家
飾亭臺處處植花樹奈何味自來棄置公不顧可憐紫府仙不

若田頭塲豚蹏報雖微猶得走翁媪誰歟醵私錢我爲作詩疏
題獨笑軒詩冊後

邵子謙示我殘書一冊曰獨笑軒集不知何人所作中有與查二膽湯巖夫梅耦長諸人唱酬之什蓋康熙年間諸生也又有招同諸子集閔園詩及讀畫軒記記云左子維北名孝廉也築別墅於鏡湖名讀畫軒適巖夫至請爲篆額今湖上休甯陳氏廢園人呼爲左園蓋卽維北所築讀畫軒額三十年前尙懸其中屋久傾圯湖水齧園址已過半矣閔園在湖西北余戴舅氏買此園時尙稱閔園後歸蕪湖陳氏今樓臺池館埽地已盡外有菴羅園詠白蓮竹棲庵看梅鉏園賞桂諸詩翫其辭意似皆在湖上今並不知其處憶馬千之所居一角山

房向爲張氏桂園余兒時見老桂數十本中一亭扁曰
秋芳千之居時尙在今爲茶肆未知存否豈鉏園卽桂
園名因花掩耶恐更闕歲時游者不知緣起證以茲編
作八絕句紀之

臥柳折腰仍出水木瓜髻頂尙開花人來徑到虛堂坐鄰有村
醪不用賒

園東爲移封僧酒肆卽今非園六十年前讀畫軒已爲游人燕集之地唯一老姬司其門戶耳

增下殘高走百工蜃樓變滅旋隨風最憐樹幄花裊地都在鷗

眠鷺宿中

乾隆年間曾大加修葺陳氏族人陸垂成而罷池館盡淪於湖

非關名恐同驚坐不道人猶記太沖可惜蕭齋無李約卻令玉

筓失斯翁

兩園先後皆歸陳氏雖非一家似稱陳園爲當獨讀畫軒至今猶呼左園嚴夫最精篆籀此扁惜不知所

在

竹樹環溪當繚牆樓臺高出水中央于今零落行人嘆不必羊

曩也自傷

斷橋無板假山頽六十年前我再來尙有牡丹移未盡隔隄猶

見幾枝開

主人不到動經年荒草叢中賸一軒不有殘編爲左證誰知此

是閔家園

園中凡戴陳所建樓臺今盡傾圮惟中存閔氏一軒耳

庵羅蓮與竹棲梅更賞鉏園老桂開自是園名被花掩秋芳曾

署小亭來

先生亦是可憐人五十儒冠尙誤身游蹟分明名姓滅欲澆酒

問主林神

集中有五十自壽八十韻詩述其潦倒場屋蓋老於諸生者

駿生觀察移祀于湖先生於赭山之滴翠軒

公昔借馬游赭山對雪分韻凌屨顏一覽亭高最空曠扁舟遙

認滄江灣

千湖集有赭山分韻得成葉五言一首又一覽亭詩沙尾是我船煙波更空曠

茲山與公素

相委置公此坐公應喜參差竹樹似當年咫尺江山來萬里謝公詞翰今元暉倜儻何減張紫微登山移主薦脯酒頓令巖壑生光輝炷香再拜長太息和戰紛紛謀孔亟公言自治還應人

誰是同心爲戮力

史言公對孝宗張湯二相當同心戮力以副恢復之志且靖康以來和戰兩言遺無窮禍

覆當先自治以應人此豈兩持者

況時宿將已無人淮南河北多囂氛長城先

自壞道濟細柳旋失真將軍謂公兩持爲公惜直是深文非史

筆卽令抗論與浚同難救符離師失律荒祠再徙山之陰明湖

百畝鑑公心早是軒前蒼檜死免教按劍扣霜鐔

宋季處士胡葵者憤秦檜

之奸題其堂曰六檜蓋以隱戮也見篁墩文集摘翠軒在宋爲檜軒

黔西李大司馬

世傑

任安徽巡道時於蕪湖創立中江

書院並塑文昌像於赭山滴翠軒招肄業諸生祀之余

與其末此乾隆三十三年戊子四月事也越六十年道

光戊子五月旣望載登斯軒追溯往蹟同祀諸君無一
存者獨余在耳慨然有作

高奉文昌座光芒逼斗躔拜從諸子後曾識使君賢勸學誰爲
繼叨榮我獨偏閤人成兩世那怪髮皤然

六月十三日駿生觀察招同子卿太守北寺納涼歸途
偶成

淒清蕭寺足優游梧竹深沈複殿幽古佛低眉容遁暑疾雷送
雨爲支秋井華宜茗從僧歆寺井水甚甘鈴語吟風勸客畱白石一
條歸路淨綠雲千頃晚香稠

苦熱

暑如債帥仍遭歲風比慳夫不解囊怕展魚箋臨毒熱欲揮麈
尾賦微涼王右軍有晚復毒熱帖陸魯望有微涼賦絕無瓜李娛清晝強近詩書待

夕陽輸與老農茅屋底枯樺聲裏踏歌長

喜雨次韻簡子卿竝謝西瓜之饋

幾回盼雨上樓看喜見雲峯隱日九天外金蛇飛一綫檐前銀
竹轟千竿頗知慰望原非易便欲爲霖也不難睡味今宵應似
蜜鎮心況有碧瓜寒

余旣爲左園陳園溯其緣起紀之以詩因念沿湖以南
六十年前池館各有主名改易分合遂迷其蹤詢之居
人多不能舉其名爰卽向所親歷者各爲一詩以告來
者

茶亭通湖隄空洞本無物惟一老比丘嘗參壁間佛

來佛亭因湖浮一

顛上有佛像嵌置茶亭而名時有老比丘尼洪姓住持其中

臨水僅一椽權輿胡居士中有善畫人我曾觀於是

澹人居在來佛亭

東嶽胡蔚林所置揚州
吳雲善畫曾寓其內

東偏屋稍寬開窗山對赭後來馬千之曾此開畫社一房山亦名小西

湖在澹人居東亦胡氏屋後馬千之舊居之場名鏡湖畫社

名爲陸羽軒實則長春園爲問主人誰石丈知不言長春園不知誰氏

園先爲酒肆後爲陸羽軒茶社有石筍高丈餘今尙在希右園

葉山小林屋洪氏之遺築當時芙蓉花猶照湖波綠洪園葉山鐸居

此號小林屋金西洞庭山人故有此號

茲園富池館繞以桂之樹荒寒付欽山山房我更平署桂園本張氏

園數易其主疑卽鉏園故址馬千之自一房山移居於此余榜其齋曰一角山房用馬遠故事也

草堂屋三楹開門面蔬圃別去幾何時亭臺遽如許學圃草堂金葉山

兄弟讀書處今爲洞庭山人公寓拓爲數十楹矣

賢尹愛湖山合併十之九小舫曰留春爲我置杯酒留春小舫蕪湖故

尹陳聖脩自濟人居至洪園合併
爲一中築畱春小舫以時觴詠

右軍樂會稽石丞家輞川置君二右閒可以終殘年希右園陳尹去任

久之園歸王子卿名曰希右意欲希蹤右軍誓墓不出耳余謂一右字似不能該右軍不若兼摩詰爲備

先生背湖坐鬱鬱四十年昨朝移赭山始見湖中天張于湖祠在來佛

亭東卽濟人居故址割其南半以祀先生今移赭山滴翠軒矣

次韻再登滴翠軒軒前向爲叢竹所蔽移祀于湖先生命僧斫去江山在望頓還舊觀

翦落琅玕首重回軒楹呈露翠屏隈不辭再蠟登山屐相與同

梯曲磴苔遠岫隔江兼浪湧征帆隨鳥撲檐來鏡湖本是公家

物七百年來攬照纔陶塘亦號鏡湖卽于湖先生捐已田百畝所成者

嘉慶癸亥六月廿四日溫貧坡前輩於澄懷園招同直

諸君爲荷花作生日今二十六年矣家居復值是日聞

湖上荷花盛開畏暑不往作此遺意

憶昔澄懷溫八义開筵此日壽荷花招來直伴詩攜袖嘯取池
風香滿家勝友盡隨流水逝後生誰作舊聞誇于今畏暑關門
坐一任平湖爛錦霞

立秋日湖西道院納涼

院祀許真君遜

千柱深宮訝許同旌陽宮殿亦清空雖非萬里中和頰也有生
涼一角風

囚鎖蛟龍自昔聞強將仙吏作真君三清法要吳親授卻爲仙

階屈世雲

許真君少師吳猛傳三清法要後講母傳道許位在吳上今故從旁祀世雲猛字也

僧房道院游都遍長筆單絺汗未收多事被他彌勒笑迎涼今
已到迎秋

地火

並引

江鄉稻田六七月閒遇小旱輒起地火無形但見根

葉焦灼穀遂不熟洪容齋五筆云餘于安仁罹地火之厄地火者苗根及心蠶蟲生之莖榦焦枯如火烈烈正古所謂蠹賊也是地火南宋時已有之今農夫不知以爲有神不知何時又名其神爲角姑娘塑像建廟報賽唯謹幸不爲災則竭其衣食百戲以酬之按爾雅螟螽蝻賊分別四蟲食苗所在之名許慎以爲吏冥冥犯法卽生螟吏乞貸則生螻吏冒取民財則生蝻李巡孫炎亦皆以爲貪政所致然或百畝同災或越阡陌則否甚或一畝之中僅及其半似亦不得盡歸咎於吏矣余憶三十年前江鄉種麥甚少今則幾無閒田豈地力致薄而生此耶抑糞土之宜肥磽不一邪田祖有神詩言之矣不禱於八蜡之廟求其所以致蟲之由妄指一女子

神而祀之以驚動愚夫婦之耳目則惑之甚者矣乃爲詩以曉之

春秋屢書螽即今所謂蝗又或書有蜚食穀斯爲殃厥類繁有徒羣雅釋未詳或呼爲虵蛸或名曰圩妨方言間譌替不離蝻蟲行奈何冤富媪矣謂災崑岡大田去螟螣害穉先爲防古法今茫昧今農情爲常我讀爾雅翼負盤去有方負盤即清農集稻花掇拾乘滄涼內訌不可知莖葉外必傷披尋時勑之母使庶蠶藏胡爲嘆烈烈袖手隴畝旁

天心最仁愛民愚殊可憐厥吏有明罰於民何辜愆旣遭貪夫貪重以憂無年未損吏橐肥先令民釜懸彼昏或不知此已失所天一吏設三犯橐黠咸盡焉感召固有之以身爲因緣罰此而禍彼說經毋乃偏又何怪安石許已開其先

庶翦氏其官昆蟲殿八蜡匪惟除毒蟲亦恐害禾稼主之自有
神生滅稟造化要非人意爲姓氏從假借桓桓劉將軍驅蝗肅
星駕纈宿著忠靈官吏所仰藉劉猛將軍元指揮劉承忠能驅
蝗建廟三歲一祀載在會典道光四年纈宿此焉不攻榮別欲
有蝗災禱於神有應 御書扁額懸於廟

事姬妊煌煌祀典垂赫赫神光射潔爾牲醴誠還爾青穰稌我
爲作詩歌助爾秋報謝

題陳煥畫

切天壁立青巋隗泉紳百折垂天來砮巖轉石灑飛雨助以萬
壑松風哀山樓嵌空聳木末茅屋倚澗臨灣洞幽人翫水意蕭
散那知塵世烝氛埃今年秋暑一月熱如煮炎曦不受涼風催
僧房道院避無處日坐清砌頻千迴惟欣俗諺竟不驗頓令老
健增歡咍諺云老健春寒秋
後熱言不能久也畫中人語子毋躁旬較正轉南山

雷沛然一尺田野足穀粒堅好民無災掃除一室恣眠覺還子
清淨雙眉開人閒佳境如畫頗不乏壯游子亦曾到溫與台龍
湫栖溪結屋復誰禁胡爲對此故紙徒嗟唉

涼

雨點不盡地涼風吹滿天花如醒乍解人若病初痊枕簟清堪
夢縹緲近可編猛驚秋欲半轉爲惜流年

食稻雞

爾爾曾聞出稻畦于時不共夕陽棲須知中有豐年味莫忘辛
勤而一犁

傳硯圖

蘇州太守陳

鑾

繪其祖成都太守

正勳

父宣城令

受培

遺像以生平所用硯銘揭於後末繪已像亦以校書硯

銘附之題曰傳硯圖

一經傳治譜三世硯爲田清德承家遠貞操比石堅祠仍西蜀
祀詩誦北樓篇爲問蘇州守人言似樂天

樂天才識茂治郡稱繁雄

帝獎勤民力親加祿秩崇鑿陂通水利造士葺求忠遺像康成

在分明鄭小同

君先守松江以海運功加道銜疏通水利葺方正學祠求忠書院士民德之君祖繪像方願豐

髯君頗似之

徐編修

寶善

入都道出蕪湖投詩志別賦此荅之兼寄

程春海祭酒祁春浦侍講

江雲畱客賦尖叉故遣顛風起舵牙老我青山忘世事酌君白

酒憶天涯有人視草方同舍此去看花正滿家

春浦直舍卽余食荀齋所種花

聞尙繁茂

爲報衰翁健如昨年來相伴有煙霞

臘日湖上夜歸

司花似惜年華市故遣黃梅九破蠟爲傳春歲併開端勤買芳

醪傾百榼

秦少游元日立春詩天爲兩宮同號令還家屈指已不教春歲各開端明年元日立春故云

再替佳日驚心又逢臘饒吻思嘗佛粥香吟肩嬾趁僧衣搭蕭

閒池館稱朋從清冽歌喉屏嘈襍籃輿湖上月中歸竹柏陰濃

門早闔擁書燃燭意自豪寒犬嚴更響相禽莫欺凍腳步蹣跚

青遍郊原尙能踏

臘日得曾孫明日子卿來賀畱飲壺齋次前韻

棲鳥遯樹枝三市亟呼燭奴爲燃蠟咄嗟不稱湯餅筵聊當消

寒具壺榼我年八十得曾孫正似窮冬逼殘臘何時窗下聽咿

啞會見尊前能跳搭姑妄言之且喜歡差幸酒狂客無襍況有

梅梢弦月明連夜清輝洞窗闔我倡子和休厭頻準備詩筒互

酬會流年一任擲如梭不學采和歌踏踏

湖亭再集再次前韻

湖山一日行百市溪翁見慣同嚼蠟箇中不識有何好重令先生費盤榼今年消夏復消寒直從三伏連三臘不擇丹房與唄宮強就維那求挂搭浮雲蒼狗變須臾祇談風月言毋襍卉年家事久不聞底用閉門填左闔歲云莫矣更淒清絕少饋遺相贈貧貧癡垂老幸能除甕破夢醒何待踏

感事三次前韻

天道福禍相環市歡華過眼蜜成蠟笑他持滿不自持彊進一杯但空榼彥同不幸壽期頤之奇早識虞不臘夜行不止相無人失足幽宮煤一搭飲乳難療老病飢投荒竟與蛟螭襍廢園眼見昨移花此日雙銀門亦闔宵寒遙憶獨嗟矜形影天涯孰

爲禽曾冰飛雪難久留魂兮歸來莫輕踏

除夕迎春詞

拍手兒童笑不禁兩般華勝一番簪今年春比常年好人有豐年擊壤心

挑芹翦韭趁時新翻餅來朝共敵春省事天工定相笑賀春人是賀年人

微霰連番似撒鹽笑他滕六亦何廉開正要貯陂塘水莫惜春膏一尺添

君恩三載許歸樵獻歲逢春值此宵八十尙能勝九拜望雲遙作太和朝

壹齋集卷三十二

當塗 黃鉞 左田

古今體詩四十六首

盡己丑一年

己丑元日立春子卿駿生集人海歸帆卽席賦此

我生四值歲朝春

乾隆癸酉壬辰嘉慶庚午及今道光己丑

恰好平頭八十身世際

六朝全盛日

家傳七代太平民

余家自當塗遷蕪湖七世矣

疎花竹塢寒爭

豔生菜椒盤巧鬥新橪筍高歌娛令節圍鑪暝酒醉交親

六十年前一秀才

余以乾隆己丑入學

何期髮背到黃台早從諸老蒙揚

譽晚辱門生謬見推風月本由無價得田園都自

賜金來卽

今歡賞須排日且覆當筵現在杯

書堂深靜樹周環里社三人足往還逸少幽情仍曲水謝公雅

志在東山常珍聊慰諸兒養洗盞重歡坐客顏好共扶筇讀竟

詔林泉猶辦十年閒

落鐙日雨窗遣興

黥黥春雲暗又明
雨絲雪片閒縱橫
東風似惜飛英易
勒住梅花不放晴

春寒狐貉尙衣兼
火冷香鑪手自添
藏酒百餅難諱富
擁書萬卷不傷廉

吟詩寫字工何益
問舍求田拙不通
虛向太倉分鼠竊
養成八十一衰翁

三載曹騰臥一邱
空將佳日負春秋
今年不遣元暉笑
準買扁舟賦近游

風情久作迎陽雪
豪氣時如觸石雲
白是朱生緣疾惡
漫疑鵲坐灌將軍

宣子憂貧叔向賀馮驩市義孟嘗驚百年未了榮名在不把顏
唐誤後生

春雪

春雪忽盈尺梅花纔半開呼童爲除徑著屐獨登臺
葺屋寒如此孤鴻何處來青青麥苗短壓隴莫深埋
爲報溪流涸因之漕未通急資千澗水浮送大江東
霽色開林表迴風尙舞空持杯祝滕六春氣要和融

湖亭雪霽子卿招飲

湖山雪霽波油油湖亭似欲隨波流風帆泛江乘虛舟
浪聲汨汨撞船頭漁舸何來三尺脩不知雨足將焉投
大魚跋浪殊可憂小魚瑣細不足羞何故驚我雙白鷗
主人載酒湖亭幽欲校酒量分劣優酒兵罷戰五十秋
旣老敢復營糟邱當前清景不

我畱依稀雪樹藏經樓癯仙閣人清俗稠知我不往蓋有由沿
湖十里皆佳游誰復阻我王子猷揮杯徑醉歸去休春風吹人
漸和柔

次韻子卿醉歌

左陽右陰暗易手診者切脈疑而走子反戰酣渴欲飲穀陽愛
之進以酒誠者乃僞僞乃誠人情叵測由來久聖賢之學在自
反恩怨於人果何有我時疾惡或嫚罵深悔招尤坐此口執筆
方思作董狐一夕灑然忘誰某君詩往往鳴不平微文譏刺亦
云偶休將得失爭雞蟲多恐酒酸因噬狗人生三立苦未能等
是散材誰不朽詩人之旨婉多風溫柔敦厚君知否

左陽右陰
見後漢書

郭玉傳

子卿見和湖亭雪霽之作再次韻

和詩手熟如杓油點滴皆令錢孔流又如順風駛輕舟行所無
事憑黃頭攻險押強無短脩金硃瓦礫紛雜投以我御意何足
憂窘步毋使遺山羞我老泛泛如鳬鷗風吹輒聚林塘幽與波
上下相狎優皮裏何處藏陽秋古今同是貉一邱獨嗟鴻爪跡
不留春晴杏花紅滿樓燕睇楊柳綠亦稠行歌坐嘯皆自由況
有膳飲從之游洽聞君慕阮德猷我欲襍篇擬湯休勉哉毋惜
柔毫柔

子卿再次前韻作此答之

禮成三爵神油油過此則爲飲者流操舟勿操上水舟艱澀須
避急灘頭尺有所短寸有脩夜光明月毋暗投笑我無事自買
憂老而耽吟不自羞嬾於病鶴閒於鷗湖之水兮色幽幽五日
十日相娛優小車不羨田千秋大耄幸可躋麥邱春林聽喚黃

栗畱此心已馳謝朓樓不須節冷杏粥稠舟車輕便皆可由君
能襪被從我游人生何者爲聲猷役車輾轉不肯休孤此花木
旨酒柔

花朝湖上夜歸

信是溪山好處亭天容溫麗水空明東君不耐鞦韆紋皺故遣封
姨熨貼平

窺牆文杏紅生靨臥水垂楊綠浸腰好是平鋪一湖月清尊列
唱作花朝

曉晴載酒尋花醉夜靜盞與看月還不解機心更機事較量我
比白鷗閒

人言得似樂天無何事句畱戀此湖一笑鬢眉太村劣不堪畫
作重屏圖

駿生饋河豚

蔓蒿滿地筍抽籬頗訝河豚上市遲
忽枉筠籃分一部惜無豪客合雙
卮東坡居士饗曾賦南國梅仙戒有
詩齊楚不知誰得失晚餐一笑獨支
頤

詠史錄舊作

王維蒙僞署千載疑相因區區池上
篇亮節希自陳當時傾聽誰裴迪交
最親文章飾大義何以服後人不見
賦閒居乃復拜路塵

柳州棄蠻瘴頗有媿悔言慄慄念冢
嗣戚戚思求婚才高遭眾忌孰肯鳴
其冤當年附王章未必思求援惑於
國士遇遂爲知己恩少年務輕進乃
入羝羊藩諒哉昌黎公直道三代存

清明日獨酌對未開海棠

的的生紅映碧苔一枝斜倚翠筠栽不煩坡老憐幽獨合著遺
山詠未開深注歌昏嬌欲啓淺凝笑靨夢初回白頭到底情難
遣也爲楊枝飲一杯

上巳日駿生招集湖亭修禊

老聃貴攝生淮南好神仙蕙蘭無久春龜鶴多長年浮沈大化
中孰是返自然歡此元巳辰愜我平生緣山茨面清漪桃萼攀
朝煙稍聞清歌發載聽鳴琴宜主人知止足客亦鄙吝捐俯仰
睠流光蕭散懷前賢

緬昔王謝徒長謠顏沈詩佳日古所欽豈獨在今茲生年躋大
耄白日傾西崦芳醪馨溢尊繁花紅滿枝山容媚朝昏湖波綠
參差秉燭未爲晚新月窺軒墀浩歌對三益爲樂當及時但恨
草橋側逝者無人知

乾隆甲午上巳曹少僕慕堂先生招集京師右安門外草橋修禊會者二十餘人

石潭溪幸楣竹君諸先生皆在焉今五十六年蓋僅有存者矣可勝浩歎

詠白牡丹

湖嵌一朵露華滋，麝度微熏月替姿。
姑射雪消呈皓質，華清湯暎試豐肌。
忘憂萱草應憐淡，招隱瓊花未足奇。
須識鄴侯元富貴，白衣曾對聖人披。

李義山牡丹詩應憐萱草淡却得號忘憂

繁昌令張

星煥

遺湘醺四尊，五月二日與子卿雲聲閣

觀競渡飲之

湘東鄰渚舊知名，風送江帆束帶迎。
逃暑正思河朔飲，開尊真似建康清。
休誇竹葉過臍美，欲妬榴花照眼明。
合泛蒲觴聽楚些，武陵招屈有遺聲。

劉夢得競渡曲自注競渡始於武陵舉檣唱歌里辭謔替雖不可解而發聲或些猶有餘音

子卿饋石首魚三頭

秋化春來不自珍一帆京口送江濱金羹玉飯無人識孤負于

湖雉尾蓴

石首鱗色黃如金和蓴菜作羹謂之金羹玉飯見爾雅翼蓴爲蕪湖土產無人采食故云

魚三文合訓爲鱸食料書生信有緣猶記

春蒐南海子進鮮分得柳條穿

涼篷子詞

涼篷子者秦淮船名也乾隆年間遇重五時溯江而上至蕪湖輒數百十隻游人爭雇以觀競渡歲甲辰葛冬村_暹具舟邀邵未齋先生尹甫外兄余及子卿與焉作詩六首諸君皆屬和稿久佚道光己丑五日子卿翻舊篋得之裝以示余相距四十六年矣爰刪去二首稍加點竄存示後人俾知緣起焉

貼水輕於葉落纔綠楊風動便吹開闌干半是顏家活爲語虛

舟漫觸來

南宋臨安顏家巷髯器物不堅實時呼爲顏子生活舟艦皆髯漆倚於舷外故云

不施篙艣不安窗慣繫秦淮水閣椿聞說于湖方競渡溯潮爭

到魯明江

就裏頭船號走船藤棚漆板略相當華鐙照水笙歌沸不枉人

呼小建康

走船藤棚漆板皆船名蕪湖俗有小南京之稱

分明謝舅爲開先我青髭髻侍几筵一樣江天好風景愁嬉曾

不似當年

侍御舅戴孟岑先生曾買兩舟來蕪湖鉞時方十餘歲卽陪侍焉

六月九日三昧庵納涼感舊

昔年逃暑此精廬朋輩謹呼樂有餘戲著僧衣參伏虎醉尋佛

印倩燒猪

庵內伏虎羅漢曾著靈異亡友葛冬村效梵唄酷肖僧松溪烹飪最精

伽藍象設還如

昨伐闔門高過已墟蒲椅竹牀涼夢在重來慚見去時書

邵未齋先生遺像

雅量謝安石工書王右軍文孫能繼武夫子久凌雲翰墨尋常
有人師不可聞展圖拜遺像老淚落紛紛

獲第遂長別於今四十年

鉞戊申鄉舉後遂不復見

名言三爵後風趣六朝

前顧我常青眼慚公早白顛虎賁誰得似感歎重悽然

道光九年六月朔日

上以

臣

鉞八月五日八十生日先期

親灑宸翰

錫

以扁聯扁曰引年頤志聯曰玉瀾圖繪依光近綠野襟
懷養福長並奉

上諭予告尙書黃鉞曾直內廷宣力有年學問素優人
亦謹飭本年八月爲伊八十八生辰特頒御書福壽扁聯
並錫以壽佛如意朝珠文綺等件用迓福祉伊子禮部
七品小京官黃富民著加恩作爲該部候補主事俾聞

之益增慶慰並傳諭黃鉞不必遠道跋涉來京謝恩以
示朕優禮耆臣引年至意七月廿六日臣子富民自京
賁到臣當卽出城跪迎叩頭祇領伏念臣於嘉慶己卯
年七十蒙

仁宗睿皇帝賜扁錫壽逮今年又蒙

皇上詔書褒美 錫予便蕃既進臣子一階又免入

朝陳謝疊受 殊榮冒濫已極自顧殘年無路可報敬
紀長律二首垂示子孫永永勿忘云爾

堯文巍煥賁焚燎又捧 奎章下九霄載路風雲神物護開函
珍綺 御香飄卅年給賚踰三錫十載光榮荷 兩朝翹首壽
星躔耀丙天階拜舞隔仙僚

頻聞 天語近臣宣蒙 記衰羸犬馬年荒落久爲閔子笑顙

愚猶得

聖人憐

恩私老穉全家被 異數江湖萬口傳願竭葵心向

朝日秋風承露更清妍

藏雲寺

寺在太平府城東二十五里武神山中有醜心泉歲旱可致雨志載李端叔墓在其左按史李

後徙唐州終朝散大夫未聞歸葬姑孰今墓亦不知所在

磬確欲無路松杉枝格交霜新林葉變寺古谷雲包石竇窺龍穴經樓俯鵲巢姑溪墓何處極目但蓬茅

余以乾隆己丑入學爲弟子員及今道光己丑六十一

年矣太守陳公

雲

廉知其事署書重游泮水四字榜於

門賦四絕句勵諸同學兼以志媿

橋門濟濟立青袍九九人中孰最豪

一府學額共八十一人

學者漫疑麟

角少當年我亦一牛毛

竊祿歸田負

主恩略無裨補媿朝紳諸君努力青雲上莫學衰翁作幸民

不命肩輿不著鞭藍衫脫却拉朱然市樓買醉看迎學一刹那

閒六十年

謂前己丑與朱蔚堂同年看迎學事時蔚堂先余入學

聚觀溢巷復填街狎恰爭看老秀才寄語紅妝莫相笑阿婆曾

自少年來

夜泊青山下

小舟百里趁谿行到得青山已二更月黑不知何處泊但聞犬吠碇船聲

十二月二十三日湖亭漫興

碧波三面浸虛堂寒日經檐晝漸長盼雨爲憐叢竹浣趁魚翻笑野鷗忙旗亭買酒門先閉山寺探梅徑已荒不用崢嶸愁歲

暮且來呼吸對湖光

嘉慶乙丑除夕在京師大兒

初民

用風俗通畫虎于門

故事作歲朝圖次初白庚寅元日詩韻題之明年道光

十年正值庚寅再次前韻書于舊圖左方

梅邊殘菊尙鮮新差喜孤芳德有鄰

時尙有殘菊

宵暝未煩燒木佛

詩寒只可沃茶神遺編獨守將闌夜九秩旋開第一春檢點舊圖徵往事椒紅柏綠已三寅